



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicis & Festa per annum**

**Bernardus <Claraevallensis>**

Iubilus S. Bernardi Abbatis de nomine Iesu.

**urn:nbn:de:hbz:466:1-39254**



# JUBILUS SANCTI BERNARDI ABBATIS, IN COMMEMORATIONEM

Dominicæ passionis, qui & rythmica  
constat modulatione.

**I**ESU dulcis memoria,  
Dans vera cordi gaudia;  
Sed super mel & omnia  
Eius dulcis præsentia.  
Nil canitur suavius,  
Nil auditar jucundius,  
Nil cogitatur dulcius,  
Quàm Jesus Dei filius.  
Jesu spes pœnitentibus,  
Quàm pius te petentibus,  
Quàm bonus te quærentibus,  
Sed quid invenientibus?  
Jesu dulcedo cordium,  
Fons vivus, lumen mentium,  
Excedens omne gaudium,  
Et omne desiderium.  
Nec lingua valet dicere,  
Nec litera exprimere:  
Expertus potest credere,  
Quid sit Jesum diligere.  
Jesum quæram in lectulo:  
Clauso cordis cubiculo;  
Privatim & in publico  
Quæram amore sedulo.  
Cum Maria diluculo  
Jesum quæram in tumulo;  
Clamore cordis querulo,  
Mente quæram, non oculo.  
Tumbam perfundam fletibus,  
Locum replens gemitibus;  
Jesu provolvar pedibus,  
Strictis hærens amplexibus.  
*Jubilus. S. Bernardi.*

Jesu rex admirabilis  
Et triumphator nobilis,  
Dulcedo ineffabilis,  
Totus desiderabilis.  
Mane nobiscum Domine,  
Et nos illustra lumine,  
Pulsa mentis caligine,  
Mundum replens dulcedine.  
Quando cor nostrum visitas,  
Tunc lucet ei veritas,  
Mundi vilescit vanitas,  
Et intus fervet charitas.  
Amor Jesu dulcissimus  
Et verè suavissimus  
Plus millies gratissimus,  
Quàm dicere sufficimus.  
Hoc probat eius Passio;  
Hoc sanguinis effusio,  
Per quam nobis redemptio  
Datur, & Dei visio.  
Jesum omnes agnoscite,  
Amorem eius poscite,  
Jesum ardentè quærite,  
Quærendo inardescite,  
Sic amantem diligite,  
Amoris vicem reddite,  
In hunc odorem currite;  
Et vota votis reddite.  
Jesus auctor elementiarum,  
Totius spes lætitiarum,  
Dulcoris fons & gratiarum,  
Veræ cordis delitiarum.  
H h h h

Jesu

Jesu mi bone sentiam  
Amoris tui copiam,  
Da mihi per presentiam  
Tuam videre gloriam.

Quum dignè loqui nequeam  
De te, tamen ne fileam:  
Amor facit ut audeam,  
Cum de te solùm gaudeam.

Tua Jesu dilectio,  
Grata mentis refectio,  
Replens sine fastidio,  
Dans famem desiderio.

Qui te gustant esuriunt:  
Qui bibunt, adhuc sitiunt:  
Desiderare nesciunt  
Nisi Jesum, quem diligunt.

Quem tuus amor ebriat,  
Novit quid Jesus sapiat,  
Quàm felix est, quem satiat?  
Non est ultra quòd cupiat.

Jesu, decus Angelicum,  
In aure dulce canticum,  
In ore mel mirificum,  
In corde nectar coelicum.

Desidero te millies  
Mi Jesu, quando venies?  
Me latum quando facies?  
Me de te quando saties?

Amor tuus continuus  
Mihì languor assiduus,  
Mihì fructus mellifluus,  
Est & vitæ perpetuus.

Jesu summa benignitas,  
Mihì\*cordis jucunditas, *forte. me.*  
Incomprehensa bonitas,  
Tua me stringit charitas.

Bonum mihi diligere  
Jesum, nil ultra quærere,  
Mihì profus deficere,  
Ut illi queam vivere.

O Jesu mi dulcissime,  
Spes suspirantis animæ,  
Te quærunt piæ lacrymæ,  
Te clamor mentis intima.

Quocunque loco fuero,  
Mecum Jesum desidero:  
Quàm latus, cum invenero?  
Quàm felix, cum tenuero?

Tunc amplexus, tunc oscula,  
Quæ vincunt mellis pocula:  
Tunc felix Christi copula,  
Sed in his parva morula.

Jam quod quæsi, video:  
Quod concupivi, teneo:  
Amore Jesu languero,  
Et corde totus ardeo.

Jesu quum sic diligitur,  
Hic amor non extinguitur:  
Non tepescit, nec moritur,  
Plus crescit, & accenditur.

Hic amor ardet jugiter,  
Dulcescit mirabiliter,  
Sapit delectabiliter,  
Delectat & feliciter.

Hic amor missus cœlitus  
Hæret mihi medullitus,  
Mentem incendit penitus,  
Hoc delectatur spiritus.

O beatum incendium,  
Et ardens desiderium,  
O dulce refrigerium,  
Amare Dei filium!

Jesu, flos matris virginis,  
Amor nostræ dulcedinis,  
Tibi laus, honor numinis,  
Regnum beatitudinis.

Veni, veni rex optime,  
Pater immensæ gloriæ,  
Affulge menti clariùs,  
Jam expectatus sapius.

Jesu

Jesu sole serenior,  
Et balsamo suavior,  
Omni dulcore dulcior,  
Cæteris amabilior.

Cuius gustus sic afficit,  
Cuius odor sic reficit,  
In quo mens mea deficit,  
Solutus amanti sufficit.

Tu mentis delectatio,  
Amoris consummatio;  
Tu mea gloriatio,  
Jesu mundi salvatio.

Mi dilecte revertere,  
Confors paternæ dexteræ:  
Hostem vicisti prosperè,  
Jam cœli regno fruire.

Sequar te quoque iëris,  
Mihi tolli non poteris,  
Quum meum cor abstuleris  
Jesu laus nostri generis.

Cœli cives occurrite,  
Portas vestras attollite:  
Triumphatori dicite,  
Ave Jesu rex inclyte.

Rex virtutum, rex gloriæ,  
Rex insignis victoriæ,  
Jesu largitor veniæ,  
Honor cœlestis patriæ.


Tu fons misericordiæ,  
Tu veræ lumen patriæ;  
Pelle nubem tristitiæ,  
Dans nobis lucem gloriæ.

Te cœli chorus prædicat,  
Et tuas laudes replicat;  
Jesum orbem lætificat,  
Et nos Deo pacificat.

Jesum in pace imperat,  
Quæ omnem sensum superat;  
Hanc mea mens desiderat,  
Et ea frui properat.

Jesum ad patrem rediit,  
Cœleste regnum subiit:  
Cor meum à me transiit:  
Post Jesum simul abiit.

Quem prosequamur laudibus,  
Votis, hymnis, & precibus:  
Ut nos donet cœlestibus  
Secum perfrui sedibus, AMEN.



## ANNOTATIONES in Sermones S. BERNARDI.

AD HOMIL. II. super *Missus est.*

**O**Portebat à Principe mundi aliquamdiu celari divini consilii sacramentum.) *Dei Filius nasciturus ex Virgine, cur eam desponsari voluerit, sacri Doctores varias proferunt causas. Inter cæteras hæc una præcipua est, ut mysterium nati Messie Diabolo celaretur.*

*Vi enim Basil. hom. de humana Christi generatione, & Damasc. lib. 4. de fid. c. 5. asserunt, Damon ex illa Isa. 7. testimonio: Ecce Virgo concipiet, noverat Christum de Virgine nasciturum. Eapropter diligentissime Virgines observabat, ut eius adventum agnosceret. Vi ergo Dominus illum eluderet, & in sua astutia comprehenderet, elegit Virginem Viro desponsatam, ut partum non virginitati, sed matrimonio adscriberet. Hanc causam reddit Ignat. Epist. ad Ephes. Ori-*

pag. 35.

*Cur Christus de Virgine desponsata nasci voluerit.*

H h h h z

genes